

আমি কি ভোট দেওয়ার উপযুক্ত?

কে ভোট দিতে পারবে তার যোগ্যতা নির্ধারণের জন্য প্রতিটি রাজ্যে কিছুটা আলাদা নিয়ম রয়েছে। সাধারণত, আপনাকে হতে হবে:



মার্কিন যুক্তরাষ্ট্রের একজন নাগরিক



কমিউনিটির একজন বাসিন্দা যেখান থেকে আপনি ভোট দিতে চান (কখনও কখনও ন্যূনতম সময়ের জন্য)



কমপক্ষে ১৮ বছর বয়সী (কিছু কমিউনিটিতে ১৮ বছরের কম বয়সীরা নিবন্ধন করতে এবং ভোট দিতে পারে নির্দিষ্ট কিছু স্থানীয় বা প্রাথমিক নির্বাচনে)

কিছু রাজ্যে, কিন্তু সবটিতে নয়, কোন অপরাধে, বিচারিক রায়ে, বা অন্যান্য কারণে দোষী সাব্যস্ত হলে সেই ব্যক্তিকে ভোটদানের অযোগ্য ঘোষণা করা হতে পারে। ভোট দেওয়ার যোগ্যতা সম্পর্কে আপনার কোন প্রশ্ন থাকলে আপনার রাজ্য বা স্থানীয় নির্বাচন কর্মকর্তাদের সাথে যোগাযোগ করুন। আপনার স্থানীয় নির্বাচন কর্মকর্তাদের খুঁজে পেতে চাইলে আপনি যেতে পারেন www.vote.gov.



ভোট দিতে আমাকে কি করতে হবে?

বেশিরভাগ রাজ্যে ভোটারদের ভোট দেওয়ার আগে তাদের নিবন্ধন করতে হবে। ভোটার নিবন্ধনের সময়সীমা সহ আপনার রাজ্যের তথ্য খুঁজে পাবেন



www.eac.gov/vote.

অনেক রাজ্যে ভোটাররা নিবন্ধন করতে পারে অনলাইনে ভোট দেওয়ার জন্য। এছাড়াও আপনি আপনার স্থানীয় নির্বাচন অফিসে নিজে গিয়ে ভোট দেওয়ার জন্য নিবন্ধন করতে পারেন বা স্বাক্ষরসহ ডাক যোগে একটি ভোটার নিবন্ধন ফর্ম পাঠাতে পারেন। আপনি এখানে ২১টি ভাষায় অনুদিত বিভিন্ন রাজ্যের নির্দিষ্ট নির্দেশাবলী এবং ভোটার নিবন্ধন ফর্মটি খুঁজে পেতে পারেন:

www.eac.gov/voters/national-mail-voter-registration-form.



ভোটদান প্রক্রিয়া সম্পর্কে আপনার যদি কোন প্রশ্ন থাকে, তাহলে আপনি আপনার স্থানীয় নির্বাচনী কর্মকর্তাকে জিজ্ঞাসা করুন।

রাজ্য এবং স্থানীয় নির্বাচনী কর্মকর্তারা অফিসিয়াল ভোটিং তথ্যের সবচেয়ে বিশ্বস্ত উৎস। আপনার স্থানীয় নির্বাচন কর্মকর্তারা আপনার নিবন্ধনের বর্তমান অবস্থা যাচাই করতে পারেন এবং আপনি কখন এবং কোথায় ভোট দিতে পারেন সে সম্পর্কে তথ্য প্রদান করতে পারেন। আপনার স্থানীয় নির্বাচনী কর্মকর্তা আপনাকে একটি নমুনা ব্যালট বা আপনার ব্যালটে কোন অফিস বা সমস্যাগুলি থাকবে সে সম্পর্কে অন্যান্য তথ্য প্রদানে সক্ষম।

আমি ভোট দিতে গেলে আমি কী আশা করতে পারি?

সশরীরে ভোটদান



আপনি ভোট দিতে যাওয়ার আগে, আপনার নির্ধারিত ভোটদানের স্থানটি খুঁজে বের করতে ভুলবেন না এবং আপনার রাজ্যে ভোটদানের স্থানগুলি কখন খোলা থাকবে তা জেনে নিন।

আপনি যখন ভোট দিতে যাবেন, তখন আপনাকে একজন ভোটকর্মীর কাছে হাজিরা দিয়ে আপনার ব্যালট পাওয়ার যোগ্যতার বিষয়টি সম্পর্কে নিশ্চিত হতে হবে। কিছু রাজ্যে, আপনাকে ব্যালট ইস্যু করার আগে সরকার-প্রদত্ত ফটো আইডি দেখাতে হতে পারে।

ডাকযোগে ভোটদান

আপনার রাজ্যের উপর নির্ভর করে, আপনি ডাকযোগে ব্যালট পেতে পারেন।



আপনার স্থানীয় নির্বাচনী কর্মকর্তার সাথে যোগাযোগ করে দেখুন ডাকযোগে কীভাবে ব্যালট পেতে পারেন এবং কখন, কোথায় সেই ব্যালট ফেরত দিবেন এবং কীভাবে তার ডাকের গতিপথ জানতে পারবেন।

ভোট দেওয়ার সময় আপনি চাইলে একজন সাহায্যকারী পেতে পারেন। সমস্ত ভোটার একটি সুগম ভোটিং ডিভাইস ব্যবহার করে ভোট দিতে পারেন, এবং কিছু এলাকায় আইনগতভাবে ইংরেজি ছাড়া অন্য ভাষায় ব্যালট এবং অন্যান্য ভোটদানের উপকরণ প্রদান করতে পারে।

আমি কিভাবে সাহায্য করতে পারি?

নির্বাচন যাতে সুষ্ঠু, নির্ভুল এবং নিরাপদ হয় তা নিশ্চিত করতে প্রতিটি ভোটার সহায়তা করতে পারে। যেভাবে আপনি সহায়তা করতে পারেন তার কিছু উদাহরণ হচ্ছে:



যোগ্যতা অর্জনের সাথে সাথেই আপনি ভোট দেওয়ার জন্য নিবন্ধন করুন।



আপনার ভোটার তথ্য বর্তমানের সাথে সামঞ্জস্যপূর্ণ রাখুন। আপনার নাম, ঠিকানা, বা দলের অধিভুক্তি পরিবর্তন হলে আপনার স্থানীয় নির্বাচনী কর্মকর্তার সাথে যোগাযোগ করুন।



সূত্রের মাধ্যমে ভোট প্রক্রিয়ার তথ্যসমূহ যাচাই করুন।

সর্বোপরি, একজন ভোটকর্মী হিসেবে নিজেকে নিয়োজিত করে আপনি সাহায্য করতে পারেন।

আপনার মতো হাজার হাজার লোকের উপর নির্ভর করে একটি কমিউনিটির সুষ্ঠু নির্বাচন সম্পন্ন হয়। আপনার কমিউনিটিকে সাহায্য করার সুযোগ সম্পর্কে জানতে চাইলে আপনার স্থানীয় নির্বাচন কর্মকর্তাদের সাথে যোগাযোগ করুন। আপনার রাজ্যের তথ্য এখানে খুঁজুন:

<https://www.eac.gov/help-america-vote>.

মার্কিন নির্বাচন সহায়তা কমিশন
নির্বাচনী কর্মকর্তাদের মাধ্যমে নির্বাচন
প্রশাসনের উন্নতিতে সহায়তা করে এবং
নির্বাচন এবং আমেরিকানদের ভোটদান
প্রক্রিয়ায় অংশগ্রহণ করতে সাহায্য
করে।



ভোট ১০১

নতুন ভোটারদের জন্য নির্বাচনী তথ্য



মার্কিন যুক্তরাষ্ট্র নির্বাচন সহায়তা কমিশন

633 3rd Street NW, Suite 200 | Washington, DC 20001 www.eac.gov



মার্কিন যুক্তরাষ্ট্র নির্বাচন সহায়তা কমিশন

633 3rd Street NW, Suite 200 | Washington, DC 20001 www.eac.gov